

## Lescha per promover il svilup economic en il chantun Grischun (LSE)

Midada dals [Data]

---

Relaschs tangads da questa fatschenta (numers dal DG)

Nov:	–
Midà:	710.100   <b>932.100</b>
Aboli:	–

---

Il Cussegl grond dal chantun Grischun,

sa basond sin l'art. 31 al. 1 da la Constituziun chantunala, sunter avair gi' invista da la missiva da la Regenza dals ...,

concluda:

### I.

Il relasch "Lescha per promover il svilup economic en il chantun Grischun (lescha davart il svilup economic, LSE)" DG [932.100](#) (versiun dals 01-01-2021) vegn midà sco suonda:

#### Art. 3 al. 1 (midà)

<sup>1</sup> Per promover il svilup economic po il chantun conceder contribuziuns ed emprests, **prestar credits da taglia reimbursabels qualifitgads**, surpigliar commembranzas e participaziuns, realisar atgnas activitads, surpigliar garantias sco er acquistar e metter a disposiziun bains immobigliars.

#### Art. 4a (nov)

Credits da taglia reimbursabels qualifitgads (QRTC)

---

<sup>1</sup> Il chantun po conceder ad interpresas QRTC d'ina unica giada u che sa repetan, quai per mesiras che furneschan ina contribuziun impurtanta:

- a) per augmentar la creaziun da valurs en il chantun;
- b) per rinforzar la perscrutaziun, il svilup e l'innovaziun; ubain
- c) per meglierar la persistenza ecologica.

<sup>2</sup> Ils QRTC ch'èn vegnids concedids ad ina interpresa, vegnan scuntrads cun ils debits da taglia da quella.

<sup>3</sup> Las vischnancas che han la cumpetenzza fiscalica ston vegnir tadladas ordavant. Ellas sa participeschan als QRTC correspudentamain a las facilitaziuns fiscalicas tenor l'artitgel 5 da la Lescha da taglia per il chantun Grischun<sup>1)</sup> en la dimensiun dals debits da taglia scuntrads a favur da las interpresas respectivas sin lur territori. Eventuals pajaments da QRTC surpiglia exclusivamain il chantun.

#### **Art. 32 al. 2 (midà)**

<sup>2</sup> La ~~regenza~~**Regenza** è cumpetenta definitivamain per **conceder QRTC tenor l'artitgel 4a sco er per** garantir la disponibladad da bains immobigliars a favur dal svilup economic tenor ~~l'artitgel 8~~**l'artitgel 8**.

## **II.**

Il relasch "Lescha da finanzas dal chantun Grischun (lescha da finanzas, LFC)" DG [710.100](#) (versiun dals 01-01-2017) vegn midà sco suonda:

#### **Art. 25 al. 4 (nov)**

<sup>4</sup> Ils credits da taglia reimbursabels qualifitgads che vegnan scuntrads – tenor l'artitgel 4a da la Lescha per promover il svilup economic en il chantun Grischun<sup>2)</sup> – cun ils debits da taglia da las interpresas respectivas, ston vegnir cudeschads netto.

## **III.**

Naginas aboliziuns d'auters relaschs.

## **IV.**

Questa revisiun parziala è suttamessa al referendum facultativ.  
La Regenza fixescha il termin da l'entrada en vigur.

---

<sup>1)</sup> DG [720.000](#)

<sup>2)</sup> DG [932.100](#)